

■ COLUMNA

«L'uniun fa la forza» tuna bain

DAD AITA DERMONT-STUPAN

Tge bel citat! E gronds lauds èn da leger en gasetta suenter las radunanzas da Pro idioms. «Idioms collian las regiuns rumantschas» (Titel en LQ dals 15-06-12).

Effectivamain ha la Pro idioms fatg gronda lavur. I als è reussì da muventar en la populaziun rumantscha ina dinamica remartgla proclamond per ils idioms. Latiers han els declerà il rg sco inimi nr.1.

Forsa ch'er jau m'avess laschada impressiunar da quest schlantsch e ma fiss messa da lur vart, sche jau n'avess betg gì l'idea d'emprender quest rg gia cun l'emprim curs ch'è vegnì purschì.

Bellischem», di Heinrich Berther «che la Surselva è colliada cun l'Engiadina per cumbatter ensemen per lur idiom». Qua ma vegni in pau da rir. Las experienceschas che jau hai fatg mussan che las regiuns rumantschas na s'interessan in quex, vul dir ina pipa tubac ina per l'autra. Cumbatter ensemen mintgin per il sieu? Co va quai?

Iva forse da sa metter ensemen per cumbatter e



destruir insatge. Ma ins na po betg discurrer da lavarar ensemen sche mintga regiun vul scriver ses idiom. «Il böt es la lingua e na la pussanza», di Domenic Toutsch. Quai tuna er da nar bain. Ma tgi discurre da pussanza? I va a tuts per la lingua! Resta be la dumonda da detagl: co la vulain nus scriver? Ha quai senn dumandar quai a mintga singula persuna en il territori rumantsch? Betg da sa smirvegliar sche quai dat ina babilonia.

Sch'ins vul gia vegnir cun sbels plets sco «uniun» e da «colliaziun» tranter las regiuns rumantschas ma parest quai be consequent d'acceptar il rumantsch grischun e – sco regal d'anniversari da 30 onns – esser pront d'introducì quel plaunet er en scola.

Far in tal pass duvrass però toleranza, – in bel pled che er Domenic Toutsch intuna – persvasiun e curaschi. Forsa ha cusseglier guvernativ Lardi a ses temp survivalità la toleranza dals Rumantschs ed ha sfurzà in pau memia. Forsa ha el tadlà memia pauc la magistraglia. El era gia per auters motivs en disputa cun la magistraglia e n'ha uschia betg pudì quintar cun il sustegn da lur vart. Sbagls capitàn, ma perquai nun as dastga betg perder la finamira or d'egl. Ch'i possa lura vegnir il proxim cusseglier guvernativ e bittar tut cun ils pes amunt ma para simplamain raubas da siglir si per ils mirs.

La realisaziun d'ina idea adina perseveranza e na va betg adina sco previs. Ins sto esser flexibel e sch'i sto esser far cumpromiss. Perquai na simpatisesch jau betg cun l'idea da vegnir cun iniziativa chantunales per acquistar la finamira da l'alfabetisaziun en rg. I dovra segir almain in pau buna voluntad da la magistraglia. Il cumpromiss è formulà ed acceptà da la magistraglia e da la Pro idioms. Resta be da controllar ch'el vegnia er respectà. Tgi fa quai? L'inspectur u Urs Cadruvi personalmain?